

# **Badische Landesbibliothek Karlsruhe**


**Digitale Sammlung der Badischen Landesbibliothek Karlsruhe**

## **Le Thresor De La Vie Hvmaine**

**DuSoucy, François**

**Paris, 1644**

[urn:nbn:de:bsz:31-96188](https://nbn-resolving.org/urn:nbn:de:bsz:31-96188)





*Bibliothèque*  
*de M. René Amédée*  
*Choppin*  
(DEVILLY)

*B. 10 N.º 1035*



Calliopt  
F. del, 92 S. 2 Bll.  
y.

87 B 76 360

8/13

9.

186.

Seit 1922  
M. 16 -

~~88~~

81 13

page 38 l'autour promet un traité de  
quint-essences phisiques.

page 41 l'autour dit avoir fait  
le véritable or potable.

Le vrai trésor de la vie humaine &c.  
première partie in 4° et 8° Paris 1653

Le grand or potable des anciens

La grande médecine universelle. 8° 1654

Histoire africaine romane chymique  
in 8° Paris 1627 2 volumes.

Histoire asiatique, mystique 8°  
Paris 1634

Projet du plan de la création  
du monde . . . en 6 traités

H. Jean

- autres ouvrages du même auteur.

La grande médecine universelle traitée de  
l'usage universel, qui a cette propriété de  
merveilleux de chasser promptement les  
maladies, sans incommoder le malade,  
et de pouvoir conserver l'avis une très  
longue suite d'années en vigueur, trait  
par François Dubouey, chirurgien sieur  
de Gerson Paris, 8°, petit papier, 1654  
Se vend 8<sup>4</sup>.

~~Le livre de l'usage universel de la grande médecine universelle~~  
~~de François Dubouey, chirurgien sieur de Gerson Paris, 8°, petit papier, 1654~~

L'ouvrage précédent contient, sous un  
même reliure = Discours du Paradis  
= terrestre, selon verra quantité de  
= merveilles et de curiosités inouïes. par  
= François Dubouey, chirurgien sieur de  
= Gerson. 2<sup>e</sup> partie, Paris 8°. 1654.

LE 63-10-1035

# THRESOR

DE

## LA VIE HVMAINE.

Par FRANCOIS DV SOVCY,  
sieur de Gerzan.

PREMIERE PARTIE.

*Le tout ce qui a paru. Voy. Préface.*

*ouvrage très instructif. voyez la préface  
qui est à la fin.*



A PARIS,  
Chez JEAN BESSIN rue de Reims, près  
la grand' porte du College.

M. DC. XLIIII.

ak

LI

THRESOR

DE

LA VIE HUMAINE

Par FRANCOIS DE SONDY

leur de Genes.

PREMIERE PARTIE.

87 B 76 360



A PARIS

Chez JEAN BASSIN rue de Reims, pres  
la grand' porte du College.

M. DC. XLIII

*sur ay  
la entree  
mors et note*



L E  
T H R E S O R  
D E  
L A V I E H V M A I N E.

*Discours de la santé.*

*Et que le projet de la Medecine uniuerselle est fondé sur la Nature.*

CHAPITRE PREMIER.

**A** santé est vne possession que nous auons grande raison d'estimer tres-precieuse, veu

A

que si elle ne nous apporte pas tout le reste des biens avec soy, elle est pour le moins vn assaisonnement agreable, & vn appuy necessaire de tous ceux dont nous auons la iouissance. Sans elle les thresors ny les honneurs ne satisfont que bien peu, les Sceptres ny les Couronnes ne sont possedées qu'avec des degousts & des ennuis perpetuels; & qui plus est, sans la santé la vie mesme n'est qu'une fascheuse continuation de chagrin & d'affliction. C'est par son moyen que nous sommes vraiment viuans, puis que c'est elle qui nous maintient en

*de la vie humaine.* 3

estat de faire les fonctions de la vie. Et la mort fait autant d'acquisition sur nos forces, que nous receuons d'affoiblissement, & de desordre en nostre bonne constitution. Il est vray qu'il arriue souuent que ceux qui en sont les mieux pourueus, en sont tres-mauuais mesnagers: Mais ils regrettent bien aussi d'en auoir esté prodigues, lors qu'ils sont tombez dans le déplaisir d'en estre priuez, & qu'ils espreuent les difficultez qu'il y a de la recouurer. Enfin, c'est vne verité, dont les Doctes demeurent d'accord avec les ignorants, que *la santé est le*

A ij

fondement des plaisirs, & de la douceur de la vie.

Or si la santé est vn bien si vniuersellement approuué, elle n'est pas moins generalement recogneuë, fragile & dangereuse à perdre: Car, si afin que nous demeurions sains, il est necessaire que chacune de nos parties conserue son *temperament*, & qu'elle subsiste en estat de faire sa propre fonction: il suffit aussi au contraire pour nous rendre malades, que quelqu'vne d'entr'elles soit dereglee, ou reçoie quelque empeschement; tout de mesme qu'vne seule cheuille de manque est capable d'ar-

*de la vie humaine.* 5

rester tout l'attirail d'un canon. De là vient que nous ne nous portons pas toujours bien pendant que nous sommes jeunes, & que nous devenons languissants en devenant vieux: Cependant que nous augmentons en aage, nous n'augmentons pas toujours en vigueur. Nos iours sont diminuez à mesure qu'ils se multiplient, & il nous eschappe de vie, ce que nous en acquérons. Le progres de nostre duree en ce monde est tel, que nous y perdons continuellement quelque chose, iusqu'à ce que nous y ayons tout perdu. Et si quelques-uns en sortent dès qu'ils y en-

A iij

trent , ceux qui s'y arrestent vn peu dauantage qu'eux , ne sont pas long-temps sans les suiure.

En vn mot , quoy que le plus ardent & le plus naturel desir des hommes soit celuy de viure , neantmoins nostre vie est courte , & outre cela elle est trauersee d'vne infinité de facheuses indispositions qui luy dérobent bien souuent les plaisirs que l'on gousteroit en la santé.

Et tout ainsi que les fortunes de la gresse , des pluyes , & de la seicheresse , ne laisse par fois que des feüilles & de la paille pour la moisson des paures laboureurs , de

*de la vie humaine.* 7

mesme le combat perpetuel,  
l'intemperie des Elements,  
dont nostre corps est com-  
posé; les impuretez qui se  
meslent continuellemēt par-  
my les humeurs, dont nous  
sommés substantez, La cha-  
leur qui digere nos aliments,  
faisant plus de degast que de  
profit en nos entrailles, Et  
nostre vigueur se dissipant  
par elle-mesme, nous causent  
des langueurs, & des facheu-  
ses maladies, qui bien sou-  
uent commencent des no-  
stre plus grande jeunesse, &  
nous continuent quelques-  
fois iusqu'au tombeau.

Je sçay bien que les precep-  
tes de l'Art de la Medecine

A iiij

ne tendent qu'à trouuer les  
moyens de pouruoir au dom-  
mage que nous sommes in-  
cessamment en danger de re-  
cevoir d'un nombre infiny  
de diuerses infirmitéz. Et ie  
ne louë pas moins le dessein  
de ceux qui ont songé les  
premiers à inuenter vne si  
vtille science, que i'approu-  
ue l'estude de ceux qui s'ef-  
forcent encores aujourd'huy  
de la perfectionner. Mais  
× d'autant que les composi-  
tions artificielles dont elle se  
fert pour combattre la cause  
des maladies sont incertain-  
nes en leur effet, & que bien-  
souuent il arriue que ce qui  
est destiné à purger les mau-

*de la vie humaine.* 9

uaifes humeurs altere les bō-  
nes, tesmoin que ceux qui se  
portent bien, se trouuent  
fort mal de prendre des dro-  
gues, ou des medicamens  
purgatifs: Je me suis particu-  
lièrement adonné à la recher-  
che d'vn remede vniuersel;  
qui est *doux, benin, & sociable,*  
auec nostre chaleur naturelle,  
qui est capable de la conser-  
uer *vigoureuse*; Et neant-  
moins *fort temperee,* qui l'*aug-*  
*mente sans l'enflammer,* & la  
*fomente sans la resoudre,* &  
qui ne la frustre iamais de  
*l'humidité,* dont elle a besoin  
d'estre tousiours accompa-  
gnee. Et enfin, qui peut effe-  
ctiuement nous guerir sans

*nous nuire*, propre à nettoyer nos corps sans *les user*, & aussi bon pour le maintien de la santé, que pour l'extirpation des maladies. Mais sur tout, il est excellent pour resister aux afoiblissemens, & augmenter les forces & la vigueur abbatuë de la vieillesse.

Et d'autant qu'il y a peu de  
 × liures qui donnent des instru-  
 ctions pour cette recherche;  
 & que ceux-là mesme qui en contiennent quelques enseignemens sont communemēt décriez, & tenus pour chimeriques & fabuleux, i'ay pris la Nature pour guide en cette pretention, & ie me suis plus arresté à ces effets qu'à

tous les sentimens humains.

Que si mon dessein paroist trop hardy, & semble ridicule à ceux qui ne sçauent pas les moyens de l'effectuer, ie me contente de leur dire que ce qui est prouué par quantité d'expériences, ne peut estre <sup>x</sup> que tres-foiblement combattu par leurs raisons imaginaires. Et que ie n'ay pas moins de sujet de mespriser leur ignorance, qu'ils presument auoir de raison de se moquer de ma curiosité : Et de plus, que ie ne pense pas m'abuser en acquiesant davantage aux operations regulieres de la Nature, qu'à leurs opinions contentieuses,

qu'ils nous voudroiēt neant-  
moins faire passer pour des  
loix inuiolables.

Enfin, pour ma conclusion,  
ie declare que le projet de  
x mon remede vniuersel ne  
dépends nullement de la fan-  
taisie des hommes, mais qu'il  
est faisable, parce qu'il est  
purement fondé & compo-  
sé des plus pures, & des  
plus parfaites substances qui  
soient en la Nature.



DE QUEL SVBIET

*l'on peut certainement tirer*

*Et faire la vraye medecine uniuerselle.*

CHAP. II.



DE toutes les possessions que nous tenons pour precieuses, il n'y en a point que nous mettions à vn si haut prix que celle de la vie. Aussi tost que nous commençons d'en iouyr nous auons de l'inclination à la conseruer. A mesure qu'elle s'augmente, ce soing prend en nous des accroissemens: Et

quelque aduancee qu'elle soit , difficilement pouuons nous consentir à son acheuement. Il est vray que plusieurs se mettent au hazard de la perdre pour acquerir des richesses ou de l'honneur, mais il n'y a ny dignitez, ny opulence que l'on ne quittast pour la prolonger, quand l'on est venu sur le point d'en estre priué. En vn mot, c'est le plus ardant & le plus naturel de tous nos desirs que celuy de viure. Mais en ce souhait, se rencontre ce malheur, qu'il est continuellement trauerse: Et que ce que nous employõs pour le faire reüssir, malgré que nous en ayons se conuer-

tit à sa ruine.

Qu'il ne soit ainsi, n'esprouvons-nous pas continuellement, qu'il se mesle des impuretez parmi les humeurs dont nous sommes substentez ? Que les Elements dont nostre corps est composé s'entrecombattent ? Que la chaleur qui digere nos Aliments, ne faiçt point moins de degast que de profit en nos entrailles, & que nostre vigueur se dissipe par elle-mesme ? Ce qui a donné lieu à quelques Sages de dire, que la *durée* se *diminuë en croissant*, & que ce qui y est *adiouste* s'en *écoule*.

Or de nous garantir *entiere-ment* de ces inconuenients,

c'est à quoy nous ne deuons pas aspirer, d'autant qu'ils nous sont tout à fait inévitables; seulement pouuons nous pretendre de les *amoindrir*. Et toute nostre industrie ne scauroit passer plus auant, que d'en *adoucir le dommage*. En effect, quelques artifices qu'on ait sceu inuenter pour preparer des viandes, quelques reigles que la medecine ait prescrites pour en bien vser, & quelques drogues qu'elle dispense pour combattre les maladies, si est-ce pourtant que rarement esuitons-nous d'en estre attaquez: Et que quand bien nous eschaperions tout le reste des  
lon-

langueurs , pour le moins  
ne pouuons nous pas nous  
exempter de celles de la viel-  
lesse.

C'est à soulager celle-cy que  
ie me suis particulièrement  
estudié , & sur le point que le  
*grand nombre des années* , m'a  
menacé de me faire souffrir  
de fascheuses incommodi-  
tez , i'ay tasché de me mu-  
nir de quelque *puissant* , &  
*assuré preseruatif* pour m'en  
garantir. I'aduouë que sur  
ce dessein , l'eslection des  
viandes & la temperance de  
mon manger , m'ont aydé  
beaucoup. Mais outre cela , il  
est tres-certain que les effects  
du souuerain Remede que ie

propose ont esté incompara-  
x blement plus efficaces, me-  
conseruant vne fanté aussi vi-  
goureuse, en vn aage fort ad-  
uancé que la plus grande que  
i'ay eue en ma plus grande  
ieunesse.

Or ce n'est pas d'aujour-  
d'huy que les hommes s'a-  
donnent à la recherche de  
la medecine vniuerselle: Il y  
a desia plusieurs siecles que  
cette curiosité a commencé  
d'en tourmenter quelques-  
vns. Et à peine auons nous  
quelques-vnes de nos disci-  
plines qui soit plus ancienne  
qu'elle. Je sçay bien que l'on  
dict que l'Arithmetique, la  
Geometrie & les autres plus

belles parties des Mathematiques sont introduites de temps immemorial dans les Societez humaines. Mais l'on peut aussi asseurer le mesme de la pretention que l'on a eu de descouurer le souuerain medicament duquel ie parle. Car il semble que ç'a esté de tout temps que cette passion a agitté quelques excellents esprits, & qu'ils ont fait diuers essais, afin d'en venir à bout.

L'aduouë que ie ne suis pas du nombre de ceux qui ont profondé assez auant dans la plus secrette intelligence de *la caballe des Hebreux, des Misteres des Egiptiens, ny des fa-*

bles des Poëtes Grecs, pour entreprendre d'interpreter leurs Enigmes; ou pour faire voir qu'il n'y a que ceux qui ont vne parfaite cognoissance de cét Elixir, quel'on ne sçauroit assez estimer, qui en comprennent le vray sens. Je laisse cette occupation à ceux qui sont plus subtils que moy, & qui ont dauantage d'estude & de loisir. Je ne me plais pas aux disputes; Je fuis les ambiguites, & ie croy que le seul moyen pour se depestrer de l'obscurité des paroles, c'est de penetrer dans les choses mesmes. C'est pourquoy sans alembiquer mon esprit sur l'intention des Autheurs, ny

*de la vie humaine.* 21

apres le sens qu'il est bon, ou qui n'est pas bon de donner à leurs termes. l'atache tout à faiçt mes pensées aux operations de la Nature, & c'est elle seule que ie prens pour guide en toutes les miennes. Laisant donc contester les autres touchant la matiere propre à vn projet si important ; Et cependant qu'ils la prennent les vns de l'eau, les autres de la terre, aucuns de la Rosée, d'autres de quelque Metall, les autres de quelque plante, & en fin qu'ils la vont tous chercher en quelque matiere, ou en quelque autre corps impur ; mon eslection s'en va à celle qui est la plus

B iij

parfaite de la Nature. Et tandis qu'ils s'amusent à puiser dans les ruisseaux, ie m'en vay puiser dans la source: Car ie prens l'or, qui en toutes ces parties est la plus pure matiere qui soit dans le mōde: Et dont les vertus & les proprietez admirables ont vne tres-grande & totale conformit e avec ce feu naturel par lequel nous sommes doucement & benigne-ment viuifiez: Apres neantmoins que l'oculte secret de nostre Art nous l'aurons phisiquement quintessenci e & donn e vn surcroist de forces & de vertus au dessus de sa premiere Nature: Ainsi qu'il se verra dans le Chapitre suiuant.

13



1. *QV' EN FAISANT*  
la médecine uniuerselle,  
nous ne faisons qu'ayder à  
la Nature à mettre en eui-  
dence la vertu qui est cachée  
dans l'or.
2. Les raisons pourquoy l'on  
prend l'or pour faire le reme-  
de uniuersel.

### CHAP. III.

1.  EST vne pensée  
qui m'a tousiours  
pleu depuis que ie  
l'ay aprise. *Que la*  
*Nature est vn Art caché : Et*  
*que l' Art est la Nature mesme*  
*industriusement manifestée.*

B iiii

Car en effect , les façonne-  
mēts naturels ausquels nostre  
artifice ne contribuë rien ,  
sont si admirables , que tant  
s'en faut que nos plus par-  
faiçts ouuriers les sçachent  
imiter , qu'au contraire les  
plus contemplatifs d'entre  
nous se trouuent tout à faiçt  
incapables de les bien com-  
prendre. Et combien que  
nous nous vantions de faire  
honte à la Nature, & de la sur-  
passer par nos inuentions, si  
est-il tres-assuré que toute  
nostre architecture ne sçau-  
roit faire vn Edifice d'vne si  
x belle construction , que sont  
seulement les coquilles qui  
sont cueillies au bord de la

*de la vie humaine.* 25

mer. Et que la somptuosité de nos plus magnifiques estoffes, n'est pas comparable au cotton, à la verdure, à la blancheur, au pourpre, à la rougeur, à la politesse, & à tout le reste du lustre des herbes, ou des fleurs des iardins & des campagnes. Si bien que nos Artisans, à dire nettement les choses, ne sont que les Singes de la Nature, qui contrefont quelque peu ces ouurages, mais qui n'ont garde de les esgaller. Et par consequent il est vray qu'en l'œconomie du monde, nous devons admirer vn Art qui nous est incomprehensible.

D'autre part qu'auons nous

ie vous prie à comprendre en toutes nos œuures artificielles, si ce n'est l'opulēce & les richesses inespuisables de la Nature ? Car de faict l'industrie humaine n'a iamais rien produit; Mais seulemēt elle a mis en œuvre ce qu'elle a desia trouué tout faict, & qui luy a esté par maniere de dire naturellemēt mis en main. Cecy est si clair de soy-mesme, que ce seroit perdre du temps & des parolles que de le prouuer. D'autant que nos Tailleurs d'habits sçauent bien que ce n'est pas d'eux ny de ceux qui leur fournissent les estoffes qu'ils employent, que sont prouenües les laines dōt elles

ont esté faites. Et nos Serru-  
riers, ny nos Massons n'igno-  
rēt pas que c'est de la terre que  
sont tirez leurs materiaux.

En fin il est indubitable, que  
ce qui est mis en œuure en  
tous les mestiers, & en toutes  
les operations artificielles est  
pris, ou du Ciel, ou de l'Air,  
ou des Eaux, ou de quelqu'un  
des endroicts du monde. Et  
pour le façonnement qu'on y  
met, ou pour l'usage auquel  
on le destine, cela ne faict que  
demonstrer à quoy les choses  
naturelles sont propres, &  
quel service il nous est permis  
d'en retirer.

De sorte que rendre com-  
mode pour nous, par nostre

artifice, les choses que la Nature nous presente, c'est proprement mettre *en euidence* leurs proprietéz, qui sans cela n'eussent pas esté cogneuës.

Et d'autant que tout mon dessein n'est que de mettre l'or en medecine, & l'apliquer à *conseruer & restablir nostre santé, & les forces abatuës de la vieillesse*, ie ne pretens point faire autre chose par tout ce que i'y cōtribuërâ d'artifice, que de manifester dauantage sa noblesse & sa vertu, en le mettant en estat de faire mieux par l'aide de l'Art, ie veux dire plus promptement, plus puiffamment & plus generalement, ce qu'il faisoit

desià de soy-mesme sur quelque maladie, mais neantmoins fort lentement & tres-foiblement.

2. Or ie ne doute point qu'il ne se trouue beaucoup de gens qui s'estonneront que ie prenne *l'or* qui est specificé pour m'en seruir de principe & de matiere pour faire la medecine vniuerselle. Mais pour contenter leur curiosité, ie m'en vais dire les raisons sur lesquelles ie me suis fondé pour choisir, & pour preferer la vertu de l'or à toutes les autres choses sublunaires, pour en faire mon remede vniuersel.

En premier lieu, ie pourrois

assureur avec tres-grande ve-  
 rité, que ce n'est pas sans vn  
 tres-haut mistere, que les sa-  
 ges Philosophes de l'antiquité  
 Payenne, qui tenoient Apol-  
 lon pour le Dieu de la mede-  
 cine, & auquel ils attri-  
 buoient la conduite du So-  
 leil, ayent osé donner à l'or  
 ces deux noms *du Soleil &*  
*d'Apollon* qu'ils tenoiēt pour  
 sacrez. Et l'on peut dire avec  
 certitude, que par cette figu-  
 re misterieuse ils aprenoient  
 aux disciples de leur secrette  
 caballe, que la vertu viuifian-  
 te du Soleil Astral, estoit ca-  
 chée & enueloppée dans l'or:  
 Et que dans ce precieux &  
 brillât Metall, estoit enclose

*de la vie humaine.* 31

toute la puissance & les vertus  
de la Medecine, dont ils di-  
soient qu'Apollon seul auoit  
la parfaite cognoissance. Mais  
il est tres-certain qu'ils en ca-  
choient au peuple la claire in-  
telligence, laquelle ils cou-  
uroient adroitement & deli-  
catement, du voile obscur de  
ces misterieuses figures: Ne  
voulant pas qu'un si precieux  
thresor, de pouuoir cognoi-  
stre l'admirable vertu qui est  
cachée dans l'or, fut profanée  
par le vulgaire, & par les igno-  
rans.

Et d'abondant ie pourrois  
encores dire que les Philoso-  
phes qui ont donné le nom  
des Planettes aux sept me-

taux , ne les ont ainsi nommez , que par la cognoissance que ces doctes personnages ont eu du rapport , & de la propriété des vns , avec l'influence des autres. Et de plus, ie pourrois encores asseurer , qu'ils n'ont donné le nom du Soleil à l'or , qu'à cause qu'ils ont appris par experience que les vertus *de l'or*, qu'ils appellent le Soleil terrestre, ont vn tres-grand & tres merueilleux rapport avec celles de ce bel Astre de lumiere. Car tout ainsi , disent-ils , que le Soleil par ces influences , ou feu celeste , nourrist & donne vie à tout ce qui est sur la terre; De mesme l'or , dont le Soleil est le pere,

le pere, a la puissance de prolonger la vie & la santé, & d'augmenter la vigueur & les forces abbatuës à la vieillesse, par la vertu occulte de son feu Astral & Celeste.

Or qu'il ne soit vray que l'or soit vn pur feu Astral, il y a deux choses qui le preuuent nettement. L'vne est son vif esclat & sa couleur jaune, qui demonstre qu'il est tout soufre, & par consequent tout feu.

Et l'autre, c'est que les flammes du feu les plus violentes, par quelque longueur de tēps que se puisse estre, ne le peuvent ny alterer, ny diminuer en aucune sorte. Et partant

puis que le feu Elementaire deuore ou destruiet toutes les choses qui sont dedans & dessus la terre , excepté l'or qu'il conserue par vne conformité de Nature. Il me semble que i'ay raison de dire que  
 x l'or est vn vray feu ; parce que selon l'ordre de la Nature , toutes les choses conformes & semblables , subsistent ensemble , sans s'attaquer ny se destruire.

Or voila l'vne des puissantes raisons qui m'a porté à faire  
 x élection de l'or , & à la preferer a tous les autres Mixtes qui sont au monde pour en faire la Medecine vniuerselle. Mais ce qui m'a confirmé

tout a fait en cette creance ,  
 c'est la tres-grande perfection  
 de l'or, & son *Eminente pureté*  
 naturelle , qui excelle au des-  
 sus de toutes les choses qui  
 sont dans les eaux ny sur la  
 terre. Car bien que dans tous  
 les Mixtes il y aye vne pure x  
 substance ou suc incorrupti-  
 ble , que les habiles-hommes  
 peuuēt extraire par des voyes x  
 douces & benignes confor-  
 mes à la Nature , ( ainsi que ie  
 feray voir à mon traicté des *B*  
 quintessences Phisiques , )  
 Neâtmoins il n'y a point d'ar-  
 tifice humain qui puisse pre-  
 parer aucune matiere si pu-  
 rement que le fin or ne le sur-  
 passe encores incomparable-

ment en pureté. Qu'il ne soit  
vray ce que ie dis , que l'on  
prenne la matiere aussi parfai-  
tement espuré que l'artifice  
humain le peut faire , qu'on la  
porte au feu , lequel est le  
x grád & le vray Agent qui peut  
separer certainement les cho-  
ses omogenes d'avec les hete-  
rogenes , les pures , d'avec les  
impures , & vous verrez qu'il  
la consommera, ou qu'il en se-  
parera des impuretez. Mais  
pour l'or fin , il n'y a point de  
flammes si violentes qui soiēt  
capables de le consommer, ny  
d'en separer aucune impu-  
reté.

Et partant ie conclus ce cha-  
pitre en disant ; Puis que l'or

*de la vie humaine.* 37

est la plus pure matiere qui soit  
dans les eaux ny sur la terre :  
& qu'il contient en soy le feu +  
ou la vertu *Solaire*, que ie suis  
bien fondé à le prendre, pour  
en faire la Medecine vniuer-  
selle ; parce qu'estant vn pur  
feu, il aura vne tres-grande &  
totale conformité avec ce feu +  
naturel, par lequel nous som-  
mes doucement & benigne-  
ment viuifiez. Et comme e-  
stant tres-eminemment pur, il  
purgera & temperera les hu-  
meurs, & purifiera la masse du  
sang, en clarifiant les esprits.  
Après que par l'ayde de nostre  
tres-rare secret, nous l'aurons  
Phisiquement spiritualisé, &  
donné vn surcroist de forces

C iij

& de vertus, & rendu *sociable*  
 & *digestible* à nostre chaleur  
 naturelle.



D' O V' P R O C E D E

que l'or-potable ne se fait pas  
 communement, veu qu'il y a  
 tant de personnes qui travail-  
 lent pour le faire.

C H A P. IV. c.



Arement pouuons-  
 nous reüssir en de grã-  
 des entreprises sans e-  
 stre trauersez par de grandes  
 difficultez? D'autât plus qu'il y  
 a de pieces à ajuster en vne ma-  
 chine, d'autât plus ya-il de dā-  
 ger qu'elle se detraque. C'est

la pluralité des humeurs de  
nostre sang qui le rēd si sujet  
à estre alteré , à cause que no-  
stre corps est basty de diuerses  
pieces , il est aisément atta-  
qué de maladie. Les grandes  
familles ne sont pas si aisées à  
gouuerner que les petites. Et  
c'est dans les estats les plus  
peuplez & les plus puisās, que  
les rebellions & les mutine-  
ries sont plus communement  
émeuës. Il en est de mesme  
du dessein tout extraordi-  
naire, dont ie parle icy pour  
le soustien, & pour le resta-  
blissement de nostre vigueur  
corporelle. Car estāt de gran-  
de importance, il est impos-  
sible de l'effectuer qu'avec de

tres-grands soins, & de tres-grandes preuoyances. Et le but de toutes ces precautions c'est de ne tomber point dans les Erreurs qui peuuent empêcher d'en venir à bout,

En toute action ( selon le dire des doctes ) diuerses observations, & differentes circonstances concourent necessairement ensemble : De sorte que si vne, ou plusieurs d'elles defaillent, le succez n'en est pas heureux, ny l'effet qui s'en ensuit bien accompli. D'un costé il faut que l'Agent, ou l'ouurier, ait assez de vertu ou d'adresse pour l'ouirage. En suite il est expedient que la matiere qui

*de la vie humaine.*

41

doit estre employée soit propre. Pour vn troisieme il importe que les aydes, ou les outils, dont il est necessaire de se seruir, ne soient point gastez. Apres, il n'en faut pas vser inconsiderément; & s'il ne faut pas aussi que l'application en soit mauuaise. Et pour le dernier, il faut que le tout soit conduit avec loisir, sans aucune precipitation. Ces conditions, dis-je, ayant besoin de se rencontrer bien compassées & assemblées en vne iuste Simettrie en toutes les œuures, soit de l'Art, soit de la Nature, il importe grandement qu'elles soient exactement gardées, & qu'elles

ne soient point violées en la preparation de l'incomparable remede du grand Or-potable.

Iesçay bien que la recherche en est fort commune, & que non-seulement en nostre Siecle, mais aussi és precedents, vne infinité de gens s'y sont adonnez. Mais ie suis asseuré aussi que fort peu d'entr'eux ont eu le bõ-heur d'en venir à bout. Ce defaut, si ie ne me trompe, ne leur est pas suruenu à faute d'en auoir vn ardent desir (selon mon opinion) ç'a esté seulement pour ne pas bien prendre leurs routes, ou pour ne marcher pas par le bon chemin. Ce n'est

pas le tout que de s'embarquer à vne longue navigation, si l'on ne sçait bien manier le gouvernail, & tendre ou relascher les voiles, l'on est continuellement en danger de faire naufrage.

Et pareillement au project que ie propose de faire le vray or potable, à moins que de voir bien son but, & d'estre tres-bien instruit de *tous les moyens* pour y paruenir, l'on ne fera iamais rien qui vaille, parce que les *Agens* cōuenables & absolument *ne-*cessaires, pour mettre l'or-potable au dernier point de sa perfection, ne sont pas cogneus de tout le monde. De

44 Le Thresor

plus, il y a des gens si ardens, qu'ils ruinent leur ouurage par leur *impatience*, & d'autre par leur *avarice*.

Et enfin, pour manquer les vns d'une sorte, & les autres de l'autre, ce qu'ils pretendoient leur eschappe.

Je ne nie pas que ie n'aye esté dans l'erreur aussi bien que les autres, ny que ie n'aye faict plusieurs *essais inutiles*, avant que j'aye peu auoir vn bon succez en mes recherches. Mais enfin *l'assiduité* du travail, la *conuersation des doctes*, les plus entendus de mon Siecle, & la grande clarté que ie me suis acquise dans les secrets de la Nature, m'ont fait

*Juins*

*de la vie humaine.* 45

heureusement rencontrer le  
moyen certain pour faire en  
tout temps, & en tous endroits  
le vray or-potable, que j'ay  
cherché tres long-temps, avec  
ardente passion, qui est certai-  
nemēt le remede le plus puis-  
sant & le plus asseuré que les  
hommes puissent inuenter,  
pour nous guerir benigne-  
ment & promptement sans  
nous nuire, propre à nettoyer  
nos corps sans les vser, & aus-  
si bon pour le maintien de la  
santé, que pour l'extirpation  
de la maladie. Mais sur tout,  
pour resister aux affoiblisse-  
mens, & augmenter les forces  
& la vigueur abbatuë de la  
vieillesse.

*L'auteur fait  
un or potable.*

Or afin que ceux qui liront ce discours en puissent tirer quelque aduantage , ie m'en vay dire en peu de paroles *contre l'erreur & les veritables obstacles* qui ont empesché que les persōnes qui ont trauaillé à l'or-potable , ne soient paruenus heureusement à leur dessein. Et ie m'asseure que les mieux entendus en cette science aduoüerōt que ce que i'en diray seruira d'vne bonne instruction à ceux qui voudront entreprendre ce souuerain remede , afin de se garantir des fautes ordinaires , où tous ceux qui se meslent de ce travail vont communément tōber , & dont il est presque im-

*de la vie humaine.* 47

possible de se garantir, si l'on n'est conduit par la main, ou par le conseil d'un maistre bien experimenté.

Je commenceray donc mon discours en disant, que les defauts les plus ordinaires qui se rencontrent en nos entreprises, & les empeschemens qui sont causes qu'elles ne reüssissent pas bien souuent selon nostre desir, prouiennent à mon iugement, ou de ce que nous nous trompons en les *conceuant*, ou de ce que nous *ne procedons pas bien en les mettant en ceuvre*. Mes longs traux, & mes longues experiences aux affaires du monde, m'ont appris, qu'en tous

les ouurages qui dépendent de la main & de l'inuention des hommes, il n'y a point de pretention, en laquelle il y ait plus de danger de s'abuser & de prendre mal ces mesures, qu'en celle de bien faire le fouuerain remede vniuersel de l'or-potable, faute de n'y obseruer toutes les choses requises.

Or i'ay desia faiçt voir qu'en toutes les actions, diuerses obseruations & differentes circonstances concouroient necessairement ensemble. Et que si l'vne ou plusieurs d'elles defailloient, le succez n'en seroit pas heureux, ny l'effet que l'on en pretendoit bien accom-

accomply. l'ay monstré en suite qu'il faut que l'Agent ou l'ouurier ait assez de vertu & d'adresse pour faire ou conduire l'ouurage, Que la matiere qui doit estre employée soit bonne, Que les outils & les aydes dont il est necessaire de se seruir, ne soient point gastez. Mais ie dis bien dauantage, que si toutes ces conditions ont besoin necessairement de se rencontrer bien compassées & bien assemblees en vne iuste Simetrie en toutes les œuures, soit de l'Art ou de la Nature, qu'à plus forte raison les doit-on encores plus exactement obseruer en la preparation du

grand Or-potable, puis qu'il doit estre le Chef-d'œuvre de l'Art & de la Nature. Mais à tout cela i'adiouste encores de surplus, qu'outre ces conditions generales qui se rencontrent infailliblement en tous les ouvrages du monde aussi bien que dans celuy du remede vniuersel, qu'il y a encores quatre choses qui sont essentielles & toutes particulieres à l'operation & au travail del'or-potable, lesquelles il faut necessairement faire, si l'on veut heureusemēt paruenir au but de ce que l'on desire. Et ie dis que ces quatre choses sont si absolument importantes à ce merueilleux &

*de la vie humaine.* 51

occulte labeur, que si l'on viét  
à manquer de les faire exacte-  
ment toutes quatre, l'on ne  
manquera pas de ruiner bien  
asseurement tout l'ouurage.  
Car ie puis assureur d'expe-  
rience certaine, que chacune  
des quatre est vn tres-grand  
Chef-d'œuure en l'Art.

Or la premiere de ces quatre  
choses si importante en l'ope-  
ration de nostre ouurage,  
c'est de mettre Physiquement  
l'or en Esprit. + 13

La seconde de le dissoudre  
radicalement dans vne eau qui + 13  
soit douce, benigne, & sociable à  
la nature de l'homme & à celle  
de l'or.

La troisieme, de sçauoir l'oc-

x | culte secret de putrifier l'or.

La quatriesme, qui est le couronnement & la fin der-  
niere pour laquelle on fait ce  
grand trauail, c'est de sçauoir  
x | rendre l'or *digestible & sociable*  
à nostre chaleur naturelle.

Voila donc les quatre cho-  
ses qui sont tres-certainemēt  
essentiellles à l'or-potable, les-  
quelles si l'on en ignore la  
pratique, il est du tout impos-  
sible de pouuoir faire ce sou-  
uerain remede vniuersel.

Enfin, ie finis ce Chapitre,  
en disant, qu'il ne se faut donc  
pas estonner, si l'on voit que  
beaucoup de gens ent repren-  
nent de faire l'or-potable, &  
que tres-peu y reüssissent, Par-

ce qu'il est hors du pouuoir  
humain de faire l'or-potable,  
sans faire aussi ces quatre cho-  
ses. Or est-il que presque tous  
ceux qui entreprennēt de fai-  
re ce souuerain remede n'ont  
peut-estre iamais pensé à faire  
faire vne seule de ces quatre  
choses. Et quand il s'en seroit  
trouué qui en eussent eu le de-  
sir, la pratique neantmoins ne  
leur en estoit pas cogneüe ;  
Car c'est vn secret qui n'est  
pas cogneu de tout le mon-  
de: Beaucoup le desirent, mais  
fort peu de gens en ont la co-  
gnoissance , & neantmoins  
sans la pratique de ces quatre  
choses il est impossible de fai-  
re le grand Or-potable , ainsi

54      *Le Thresor*  
qu'il se verra par les Chapitres  
suiuans.



1. *Q V E L' E S P R I T*  
*uniuersel est la substance la*  
*plus importante de la Nature.*
2. *Et qu'il faut mettre l'or en*  
*esprit, pour en faire le grand*  
*Or-potable.*

C H A P. V. c

x 1.  *E*SPRIT qui rem-  
plit tout le monde  
n'est pas connu de  
tout le monde. Il est de sa di-  
gnité comme de celle de la  
lumiere; Car tout de mesme  
que celle cy qui nous fait tout  
voir & connoistre, demeure

*de la vie humaine.* 55  
inconnuë & inuisible; aussi ce-  
luy-là qui est la cause de ce qui  
se fait en l'Vniuers, n'y est qua-  
si pas remarqué luy-mesme.

Ce que les sçauans appellent  
la forme tirée du sein de la  
matiere: ce que quelques-vns  
d'entr'eux ont nômé le prin-  
cipe corporel des actions cor-  
porelles; & ce qui est l'acte &  
l'accomplissement actuel des  
composez naturels; Tout ce-  
la, dis-je, n'est qu'une substan-  
ce pure, subtile, impalpable,  
& espanduë par tout, que j'ap-  
pelle esprit. Non pas pour la  
croire immaterielle comme  
sont les Anges, & les ames  
humaines; mais à cause que  
c'est vn corps si delicat, que

nous ne sçaurions le manier,  
& si espandu, que ses dimen-  
sions ne sont bornees que par  
l'immensité totale de l'Vni-  
uers. Il y en a dans la terre afin  
qu'elle germe. Il y en a dans  
les eaux, afin qu'elles soient  
fertiles. Il y en a dedans l'air,  
afin qu'il soit le dispensateur  
de la vie. Il y en a dans le So-  
leil, afin qu'il soit le pere des  
generations: Les Astres en  
ont, afin d'influer sur le mon-  
de inferieur. Enfin, il est vni-  
uersel, puis qu'il y en a par  
tout. C'est cet Esprit qui fait  
tout seul la liaison, & qui en-  
tretien le commerce du Ciel  
avec la terre: C'est luy qui dō-  
ne à tous les Astres leur splen-

*de la vie humaine.* 57

deur & leur mouuement: C'est luy qui rend les Elemens propres à se penetrer & à se mesler ensemble. Et c'est luy enfin qui fait qu'une infinité de grands corps dispersez en diuers endroits du monde, ne font qu'un monde.

Je sçay bien que plusieurs affectent que la Nature ne produit ces belles actions que par des qualitez, & que les choses qui reçoient du secours, sont d'un rang plus bas que celles qui le donnent.

Le Soleil, disent-ils, ne nous eschauffe & ne nous esclaire qu'à cause de ses eminentes facultez. Les Astres n'influent sur nous, & sur le monde sub-

58      *Le Thresor*  
lunaire, que par leurs *proprie-*  
*tez* actiues. Les formes ne  
sont introduites de nouveau  
dans la matiere, qu'en suite  
des *dispositions* qui la prepa-  
rent. Les plantes & les ani-  
maux sont organisez par *la fa-*  
*culté* formatrice. Nous oyons,  
& nous voyons par *la puissan-*  
*ce* auditiue, & par la visiuue.  
L'aimant attire le fer, & l'am-  
bre la paille par *simpathie*. Ce  
qui agit, fait impression sur ce  
qui patit par *energie*.

Et apres tout, ces energies,  
ces *simpathies*, ces puissances,  
ces facultez, ces *dispositions*,  
ces forces, ces vertus, & en  
vn mot, tout ce qui faict  
que les choses s'attaquent ou

*de la vie humaine.* 59

se résistent, ou qu'elles agissent ou patissent entr'elles; tout cela, dis-je, selon l'opinion de plusieurs, ne dépend que des *differentes qualitez* des choses.

Tellement que la Nature à leur dire, ne se perpetue & ne se maintient que par des qualitez.

Mais ie dis tout au contraire, qu'elle ne produict ces *effets* que par des *Esprits*. Car en effect, ce que le Soleil es- pand deuers nous est esprit; l'air que nous respirons est esprit; ce qui fait vegetter nos plantes est esprit; ce qui organise les semences est esprit; ce qui fait digerer les alimens est

80      *Le Thresor*

esprit; ce qui nous fait croire, mouuoir & sentir est esprit; & finalement à cause qu'il n'y a rien qui agisse en la Nature, qui ne soit mis en action par quelque esprit, nous concluons qu'il y a vn Esprit qui est l'ouurier, & le ressort mouuant de toutes les actions naturelles.

Tellement que ce que les Medecins disent touchant les actions de la vie, du sentimēt, & du mouuement des animaux, qu'il y a en chacun de leurs membres vn Esprit fixé & particulier, & vn autre influant, qui resueille & qui entretient ce premier, qui preuaut & qui a de la dominatiō

*de la vie humaine.* 61

sur luy ; ie le dis du concours  
general qui paroist dans tout  
l'Vniuers , en l'action , & en  
la subsistence priuée de cha-  
que chose. Car les metaux , ny  
les pierreries ne seroiēt point  
engendrées dans les cautez  
sousterriennes , les papillons  
ne naistroient pas de la corrup-  
tion de l'air , ny les grenouil-  
les d'une terre limonneuse ,  
les pepins , ny les semences ne  
germeroient pas , & ne se-  
roient point organisez : les ar-  
bres , les hommes , ny les be-  
stes ne viuroient pas : Enfin ,  
rien ne seroit ny formé , ny  
conserué au monde , si la *por-  
tion* d'Esprit , qui est en cha-  
que chose , n'estoit *excitée* par x

vn secours general, & par vne  
\* aide uniuerselle. D'ou vient  
querien n'est ny fait, ny dé-  
fait, que le Ciel empirée, les  
Estoiles, les Elemens, & tout  
ce qu'il y a de considerable au  
monde n'y contribué.

Et apres tout, puis que l'air,  
les eaux, ny la terre, n'ont de  
la fecondité que parce qu'el-  
les contiennent d'Esprit, il est  
vray que l'esprit vniuersel est  
le ressort mouuant & la mai-  
stresse piece de la Nature.

2. Or puis que l'esprit est le  
principe corporel des actions  
corporelles: qu'il n'y a rien  
qui agisse dans le monde qui  
ne soit mis en action par quel-  
que *Esprit*: Et enfin, que c'est

l'esprit qui est l'ouurier & le ressort mouuant de toutes les actions naturelles, ie pense auoir grande raison de dire qu'il faut necessairement que l'or soit mis en esprit pour en faire le grand Or-potable. Car puis qu'il est tres-certain que la Nature ne trauaille & ne fait ces belles actions que par *des Esprits*, l'on doit raisonnablement croire, que l'Or-potable qui est le grand Chef-d'œuure de l'Art & de la Nature, doit par consequent estre vn vray esprit ou pure substance spiritueuse, autrement s'il n'estoit vn pur esprit, il n'opereroit pas les merueilleux effects que l'on pretend de luy.

Mais pour ne laisser aucun doute en l'explication de mes paroles, lors que j'asseure qu'il est du tout impossible de faire le grand Or-potable, si premierement l'on n'a reduit l'or en Esprit. Je diray encores cela pour vn plus grand esclarcissement au Lecteur; que ie confirme derechef, qu'il est tout a fait hors de la puissance humaine de faire le grand Or-potable, sans rendre l'or spirituel. Toutefois ie n'entends pas dire pour cela, qu'il faille mettre l'or en esprit par la violence du feu & des flammes, comme il ya des gens qui se peinent à l'y forcer. Ny aussi par des eaux fortes, des dissolvants

de la vie humaine. 65

soluants acres, ou menstruës  
corrosifs. l'entends que ce  
soit par le progrez d'un tra-  
uail à la verite tres-oculte &  
tres-caché, neantmoins beau-  
coup plus agreable & plus di-  
uertissant que penible. Et si de  
plus, il faut que ce soit par  
des voyes, & des choses douces  
& benignes; & qui soient  
tout a fait conformes & socia-  
bles à la Nature de l'homme  
& à celle de l'or.

Mais ie m'auise que ceux qui  
n'ont pas peu, ou qui n'ont  
point creu qu'il fallust r'incru-  
der l'or, & le mettre en esprit  
pour en faire la Medecine vni-  
uerselle; pour me combattre  
de mes propres raisons, me

E

pourront dire, Que la mesme simplicité par laquelle ie rēds recommandable mon Or-potable, ne luy seruira que d'empeschement à produire les effects merueilleux que l'on en pretend, & ausquels ie le destine, à cause qu'estant vne  
 × quintessēce ou vn corps tout spirituel, nostre chaleur le dissipera dés qu'elle agira sur luy, veu que les substances si subtiles s'exhallet dés aussi-tost qu'elles sont eschauffées.

le repartiray à cette objection, que ce n'est rien scauoir de ce qui se fait en la Nature, que d'ignorer que les  
 × esprits s'affocient tres-facilement avec les Esprits. Car ce

n'est que de cette vnion que prouient que la terre est si fertile, & dans ses entrailles, & en sa superficie. Ce n'est que par ce moyen que les plantes & les animaux se multiplient. Ce n'est que par le concours & la correspondance de quelque esprit *qui secourt* avec quelque vn *qui est secouru*, que se font generally toutes nos fonctions corporelles. Et en effect, le cerueau n'abonde en esprits necessaires pour les fonctions des sens, & du mouuement, qu'à mesure que le cœur luy en fournit. Ceux du cœur s'espuiseroient, s'ils n'estoient entretenus par ce que le foye luy en enuoye. Et les

vns & les autres enfin prennent leur origine des vapeurs les plus pures de nostre sang, qui sont necessairement spiritualizees.

Dauantage, lors que nous flairons, ou que nous sommes esmeus par des odeurs, ce sont des esprits ou des fumees tres-subtiles qui se détachent des corps odoriferans, qui esmeuent nostre cerueau, & qui font impression sur nos esprits, en vertu desquels nous sommes disposez à flairer. Et la lumiere qui nous est si absolument necessaire pour la veüe, qu'est-elle autre chose qu'une profusion d'esprits qui procedent du Soleil, ou de quelque

autre corps lumineux, Et enfin la respiration sans laquelle nous ne pouuons subsister en vie, seulement pour vn moment, n'est-elle pas aussi vne attraction contnuelle de l'air qui nous enuironne, qui est tout spirituel? Tellement que tous nos sens, & nostre respiration tesmoigne euidentement qu'il n'y a rien de plus naturel, ny de si ordinaire au monde, que le *commerce* des esprits avec les esprits.

Et partant ie conclus ce chapitre en disant nettemēt, puis que nous sçauons au vray que la Nature ne nous maintient la vie que par *la correspondance* des esprits qui *secourent* avec

ceux qui sont secourus: qu'il faut necessairement pour la biē *imiter* au *secours* que nous pretendons lny donner en ses affoiblissements, que ce soit donc aussi par des remedes de pures substances spiritueuses.

Or par ces choses que ie viens d'alleguer, ie pretends dire à ceux qui voudront faire la Medecine vniuerselle, qu'il leur sera du tout impossible de pouuoir iamais paruenir à la perfection du grand Or-portable, s'ils ignorent l'occulte secret de pouuoir Physiquement reduire l'or en pur esprit. Car certainemēt ce n'est que par l'*attenuation* & la *dilatation spiritueuse* de l'or, que

*de la vie humaine.* 71

ce precieux metal acquiert la  
suprême & admirable vertu  
de nous pouuoir secourir prō-  
ptement, & tres puiffamment  
en toutes nos infirmitéz cor-  
porelles.



**Q V E L L E D O I T**  
*estre l'eau, ou le dissoluant ne-  
cessaire pour faire le grand  
Or-potable.*

**C H A P. V I. c**



**L**ES defauts les plus  
ordinaires qui se  
rencontrent en nos  
entreprises, & les  
empeschemēs qui sont cause  
qu'elles ne reüssissent pas bien

E iiii

souuēt selon nostre desir, prou-  
uiennent à mon iugemēt, ou  
de ce que nous nous trōpons  
en les conceuant, ou de ce  
que nous ne procedons point  
bien en les mettant en execu-  
tion. C'est vn priuilege reser-  
uē à Dieu seul, & vne perfe-  
ction inseparable de sa Natu-  
re incomprehensible, que de  
preuoir sans s'abuser, tout ce  
qu'il est bon qu'il fasse, & de  
faire tousiours sans faillir ce  
qu'il a preueu. Mais pour  
nous, c'est nostre coustume  
de nous mesprendre en nos  
desseins, & en nos actions, &  
de manquer à bien effectuer  
nos pensees, non seulement  
dans les premiers essais, mais

*de la vie humaine.* 73

aussi la pluspart du temps, apres mesme nous en estre meslez par plusieurs fois, & à diuerses reprises.

Les plus excellens Docteurs, les plus parfaits Capitaines; & les plus rares ouuriers, esprouent souuent cette verité, veu que les plus importantes maîtrises de nos Arts, & de nos sciences, ne s'acquierent ordinairement que par de tres-longs apprentissages, & par de penibles estudes: tout de mesme que nostre prudence ne se fortifie que par vne tres-longue pratique.

Mais laissant à part toutes ces considerations si amples, & sans m'escarter de mon

but, ie dis qu'une infinité de  
 x travaux & d'expériences m'ont  
 appris qu'il n'y a point de pre-  
 tension en laquelle il y ait plus  
 de danger de se tromper, & de  
 prédre mal ces mesures, qu'en  
 celle de faire le grand Or-po-  
 table, pour la *difficulté extref-  
 me* qu'il y a de rencontrer la  
*vraye Eau de vie celeste*, qui est  
 la seule dans la Nature qui  
 peut Physiquement atténuer  
 l'or, & le dissoudre radicale-  
 ment en toutes ses parties.

Et encores que beaucoup  
 de gens se vantent de pouvoir  
 faire la *vraye Medecine vni-  
 uerselle*, par des dissoluan-  
 s contraires, & *corrosifs* à l'or;  
 ie dis qu'ils ne parviendront

iamais au but de leur preten-  
sion, s'ils n'ont vne entiere  
cognoissance de cette eau ×  
precieuse. Car de se seruir de  
leurs eaux fortes & violentes,  
cela est tout a fait contraire à ×  
la raison, & à la pureté natu-  
relle de l'or. Et ie declare ici  
nettement, contre leur pre-  
sompption, qu'il me semble  
absolument impossible d'imi-  
ter la Nature en ses effects,  
sans la suiure inuiolablement  
en ses procedez. Tellement  
que ceux qui se seruent d'eaux ×  
fortes, & de dissoluans vene-  
neux & indomptables à no-  
stre chaleur naturelle, qui  
font des operations violentes  
à l'or, soit pour l'ouurir ou le ×

dissoudre, soit pour le cuire ou  
 le preparer, par des eaux cor-  
 rosives : ceux là, dis-je, ne  
 peuvent manquer d'auoir du  
 regret & de la honte pour  
 succez de leur curiosité. C'est  
 pourquoy ie n'ay intention en  
 toute l'operation de cette  
 œuure, depuis le commence-  
 ment iusques à la fin, que de  
 suiure l'ordre & la façon d'a-  
 gir de la Nature, de laquelle  
 seule i'apprends à cognoistre  
 & à me seruir de cette pre-  
 cieuse Eau de vie Celeste.  
 C'est par la Nature que les  
 vrais Philosophes font le re-  
 mede vniuersel. C'est elle aus-  
 si, qui leur donne la matiere  
 sur laquelle ils trouuillent ;

*de la vie humaine.* 77

pour eux ils n'en font que les vallets; afin d'oster, de changer, & de mettre les choses selon qu'il est necessaire: Mais neantmoins c'est tousiours selon l'intention & l'ordre de la Nature, & pour la mieux faire agir. Et comme ils en font les vrais imitateurs, ils agissent aussi selon & comme leur enseigne la Nature qui leur apprend qu'elle n'admet jamais rien *d'estrange* dans la composition de ces ourages; & qu'elle opere tousiours par choses conformes & de semblables Natures. Et de mesme faut-il que celuy qui voudra faire le grand Or-potable re-iette les eaux fortes & dissol-  
x

uans corrosifs, qui sont estrangers & dissemblables à la pureté de l'or : & qu'il ne se serue que de *nostre Eau de vie Celeste*, qui est douce, benigne, & sociable à la Nature de l'homme & à celle de l'or. Je veux dire qu'il faut que le dissoluant soit de la Nature du dissoluble. Et le dissoluble de la Nature du dissoluant.

Considerez, ie vous prie, la generation d'un enfant : le menstrué de la femme n'est il pas dans son principe de mesme Nature, & de matiere semblable à celle dont l'enfant a esté formé, quoy qu'il semble estre grandement different en apparence ? De mes-

me faut-il que l'eau viue, de laquelle, & par laquelle seule nous faisons la Medecine vniuerselle, soit tout a fait conforme à la Nature de l'or : afin que par vne estroite simpathie & afinité de Natures ils s'vnissent ensemble dans vne douce & longue coction.

Que si nostre Eau ignée, ou feu Aqueux, n'estoit de la nature de l'or, iamais ils ne s'vniroient en toutes leurs parties comme ils font lors qu'on les met ensemble : Et iamais l'eau n'auroit le pouuoir de dissoudre l'or radicalement, s'il n'y auoit grande conformité entr'eux.

Mais cette eau viue & sei-

+ che est si bien de la Nature de  
 l'or, qu'avec grande raison on  
 la peut dire sa sœur, parce  
 que tous deux, en leur pre-  
 miere origine, sont sortis  
 B + d'une mesme source, & d'une  
 mesme racine; C'est pour-  
 quoy ils s'aiment & s'unissent  
 par conformité, & par ressem-  
 blance de Natures.

1. Or peut estre que l'on me  
 dira qu'il est du tout *impos-  
 sible* de trouuer vne eau dans  
 le monde *semblable* à celle  
 dont ie parle.

2. Et qu'il n'est pas croya-  
 ble qu'une eau peust dissoudre  
 l'or *radicalement* en toutes ces  
 parties, & s'unir à luy *es-  
 sentiuellement*.

Pour

Pour responce au premier,  
i'aduouè qu'il est tres-vray  
qu'à moins d'estre conduit *N*  
par la main d'vn homme bien  
intelligent en cet Art ; il est  
presque impossible d'en pou-  
voir descouurer la secrete  
source. Et neantmoins il est  
encores bien plus difficile d'y  
pouuoir puiser l'eau viue,  
dans la grande pureté qu'il  
est absolument conuenable  
qu'elle soit pour la perfection  
de cet ouurage. Aussi est-il  
certain que la veritable co-  
gnoissance de cette eau cele-  
ste est le premier, & le plus  
difficile des quatre grands *x*  
chefs-d'œuvres de ce labeur  
merueilleux.

Or comme cette Eau celeste est la cause principale pour paruenir à la perfection du grand Or-potable: il semble aussi qu'à dessein la Nature × l'a enclose & renfermée par jalousie, afin d'empescher l'industrie humaine de la surpasser en la merueille d'un soudain retour de santé, & d'une tres-longue prolongation de vie.

Mais quoy que cette precieuse eau soit tres-profondement, & tres-secretement cachée par l'ingenieuse Nature: Neantmoins ces vrais imitateurs, & ces Disciples secrets, ont appris d'elle mesme la source de cette eau de

*de la vie humaine.* 83

vie : Et aussi l'art industrieux  
comme on la peut aisement  
recouurer par vn fort simple &  
mais tres-occulte labeur.

Et pour le second poinct :  
où l'on doute de l'vnion Es-  
sentielle de l'or avec nostre  
Eau Physique ie respondray,

Que les Sçauants n'igno-  
rent pas que l'eau commune  
quoy qu'elle soit de Nature  
froide & moëte, ne laisse pas  
neantmoins de se mesler  
avec toutes les plantes, &  
mesme avec toutes les choses  
animées & sensitiues; & dans  
icelles, par la coction, elle re-  
çoit vne autre Nature que  
celle qu'elle auoit auparauât  
à cause que les vertus, & les

F ij

proprietez de ces choses se  
font meslées centrallement  
en elle.

Et quoy que l'eau commu-  
ne soit en son principe & en  
son interieur souuerainement  
froide, toutefois par le mo-  
yen des causes chaudes qu'elle  
digere, ou qu'elle cuit, elle  
demonstre, & fait paroi-  
x stre vn effet de chaleur au  
troisiesme degré.

De plus, l'on sçait qu'il n'y  
a point de choses dans la Na-  
x ture, qui soit plustost conuer-  
tie en substance de chair que  
l'eau commune. Car si dans  
elle l'on fait cuire de la chair,  
la decoctiō profitera & nour-  
rira mesme les malades; ce

*de la vie humaine.* 85

que l'eau froide n'eust peu faire, à cause de sa crudité naturelle, qui est vne qualité nuisible & mortelle. Et par ainsi il est euident que l'eau commune estant impreignee par la coction, de la substance de la chair, n'est plus cette eau simple, froide, & crüe qu'elle estoit auparauant, mais que son essence est conuertie en vne vraye nature de chair. Et partant on la peut prendre ou tenir pour viande, puis qu'elle est proche d'estre reduite en vraye essence humaine.

*l'eau  
l'eau*

Or comme l'eau des fleues ou de pluye, est naturellement propre pour attirer la substan-

ce des plantes, & des choses  
× animees, & de se conuertir en  
leur essence; ainsi de mesme  
nostre eau Physique estant de  
× la Nature de l'or, a aussi cette  
puissante vertu de dissoudre  
radicalement ce precieux me-  
tal en toutes ses parties, de  
s'vnir à luy inseparablement,  
& de se tourner, & conuertir  
en la vraye & naturelle es-  
sence de l'or, ce que ne pour-  
roient iamais faire les eaux  
fortes des Chimiques. Et ou-  
tre qu'elles n'ont pas cette  
vertu, ny la force de dissoudre  
× l'or, qu'il ne retourne touf-  
iours en corps, cōme il estoit  
deuant sa dissolution; c'est  
qu'elles sont trop corrosiues,

*de la vie humaine.* 87

& par consequent tres-nuisi-  
bles & dommageables à no-  
stre santé.

Enfin, ie finis ce Chapitre en  
disant à ceux qui voudront  
faire l'Or-potable qu'ils n'en-  
treprennent iamais ce grand  
ouillage, que premierement  
ils ne soient bien assurez de  
posseder effectiuement la  
vraye eau de vie Celeste, la- *B*  
quelle ils pourront recognoi-  
stre & discerner d'avec les au-  
tres eaux par ces marques in-  
faillibles.

Il faut que nostre dissoluant  
soit vne eau viue & naturelle  
quel'on peut raisonnablemēt  
appeller vn feu Aqueux, ou x  
vne eau ignee.

F iij

Il faut que ces effects sur  
 ✕ l'or soient doux & naturels;  
 Que ces commencemens, ces  
 progresz, & ces acheuemens  
 soient sans aucune violence.

Il faut qu'elle aye la puissan-  
 ✕ ce d'ouurer l'or, de le deslier  
 sans le corroder, & de le pe-  
 netrer radicalement en routes  
 ces parties; & qu'il s'y dissol-  
 ue doucement & facilement,  
 comme la glace fait dans  
 l'eau.

Il faut qu'elle soit simple,  
 tres-pure, & nette, qu'elle soit  
 douce, benigne & sociable à  
 la Nature de l'homme, & à  
 celle de l'or.

Et pour le dernier, il faut que  
 ceux qui voudront faire le

*de la vie humaine.* 89

grand Or-potable , ayent vne parfaite connoissance de la vraye Eau de vie des Sages , qui est vne Eau viue , Simple , & Celeste , composée , & mineralle , ingenieuse & difficile à trouuer. Elle ne se tire (comme dict vn Philosophe ) que des rayons du Soleil , & de la Lune ; mais la difficulté est de sçauoir , s'il entend parler du Soleil & de la Lune Celeste , ou du Soleil , & de la Lune terrestre , ou de tous ensemble. Et quand ils auroient cette connoissance , ils n'auroient peut estre pas l'industrie de la sçauoir puiser Physiquement , dans le puits de la Nature , selon l'intention , & l'art indu-

90            *Le Thresor*  
strieux des Sages.

Or s'ils n'ont pas la connoissance de cette precieuse Eau de vie celeste, & permanente, il est certain qu'ils ne feront jamais le grand Or-potable; C'est pourquoy, ils doiuent traouiller à l'acquerir, ainsi qu'ont fait ceux qui l'ont possedée.

De moy, i'ay employé trente-cinq années, pour m'instruire de cette Eau; & pour en auoir la vraye connoissance, i'ay fait plusieurs voyages, dépensé beaucoup d'argent, & fait quantité de differentes espreuues: Et toutesfois i'en eusse tousiours ignoré le secret, si par vn bonheur extra-

*M*

*de la vie humaine.* 91

ordinaire, il ne me fust tombé vn manuscrit entre les mains, qui m'a donné vne claire, & entiere lumiere de la pratique de cette precieuse Eau.

Enfin, ceux qui seront si heureux, de rencontrer cette Eau admirable, sont assurez, d'auoir le vray dissoluant Physique, qui est certainement le principal, & le plus necessaire outil de tout l'ouurage, & la premiere clef du grand Orpotable. Et celuy qui n'aura pas vne entiere & parfaite cognoissance de cette precieuse Eau, ne doit iamais penser, ny essayer de faire l'Orpotable; Car sans elle certainement il ne paruiendroit ia-

mais à ce qu'il desire, d'autant  
× que c'est elle seule qui par sa  
vertu admirable & toute par-  
ticuliere, esleue, augmente,  
renforce, rehausse & multiplie  
extraordinairement celle de  
l'or au dessus de sa Nature.

A D V I S  
DE L'IMPRIMEVR  
A V L E C T E V R. c

**L**E Lecteur sera aduerty  
qu'il manque trois Chapi-  
tres à la perfection de cet Ou-  
vrage, lesquels l'Auteur pro-  
met de nous donner au retour  
d'un voyage qu'il a entrepris.

Dans le premier Chapitre il  
traictera de la putrefaction, &  
fera voir clairement que si l'Or  
n'est putrisié, il ne sera iamais  
alteré, & ne s'alterant point il  
demeurera tousiours dans sa  
nature; que cela estant il sera  
indomprable à nostre chaleur  
naturelle, & par consequent

## L'IMPRIMEUR

impuissant a faire les grands effets pour la santé des corps humains que l'on doit attendre de ce précieux metal.

Il enseignera au second Chapitre, qu'encores qu'il n'y ait point de rapport ny de conformité entre le Regne mettalicq & l'animal pour s'unir ensemble, que neantmoins, apres que l'Or aura esté Physiquement préparé, il s'associera & se rendra digestible à nostre chaleur naturelle, par la vertu & propriété du moyen unissant que l'Autheur décrira dans ce Chapitre, & sans lequel il est du tout impossible de pouvoir associer ces deux Natures ensemble.

Dans le troisiésme & der-

## AV LECTEUR.

nier Chapitre, l'Autheur fera voir que ce souverain remede est entierement conforme à la chaleur naturelle qui nous vivifie & qu'ils s'unissent ensemble par un lien d'amour. Il monstrera clairement qu'apres que ce medicamente aura esté paracheué en sa derniere perfection, qu'alors il est le plus puissant & le plus assureé remede que les hommes puissent inuenter pour nous guerir benignement & promptement sans nous nuire, propre à nettoyer nos corps sans les user, & aussi bon pour le maintien de la santé, que pour l'extirpation de la maladie. Mais sur tout, il est merueilleux pour resister aux affoiblissemens, &

L'IMPRIM. AV LECT.  
*augmenter les forces & la vi-  
gueur abatüe de la vieillesse.*

F I N.

Page 90 ligne 11 et suivantes.  
L'auteur a connu l'eau de vie  
celestes et permanentes

---

Page 44 l'auteur a eu un bon succès

---

Page 45 l'auteur a fait l'or potable

---

Page 51 l'auteur part d'expérience

---

Page 51, 52. remarquables.

---

*[Faint, illegible handwriting on a lined page]*

